



Bentiaraq Ottosen

UPA 2026/18-1

Atassut

18. Maj 2026

Naalagaaffiit Peqatigiit Sorsutsaaliuisutut ataatsimiittartuisa aalajangersaaneri malillugit, pinerliiniarnernut aningaasalersuinerit aamma Koreap Avannarliup (DPRK p) atomimut programmiliaat pillugu inunnut, eqimattakkuutaanut, immikkoortortaqarfinnut aamma sullissivinnut aningaasaqarnermut tunngasut ilaannut killiliisumik iliuuseqarnerit pillugit Kalaallit Nunaannut peqqussummut Namminersorlutik Oqartussat ilanngunnerat pillugu Inatsisartunut aalajangiiffigisassatut siunnersuut

(Aningaasaqarnermut Naalakkersuisoq)

Atassut isumaqarpoq Kalaallit Nunaanni attaveqaasersuutitigut sillimaniarneq, upalungaarsimaneq aamma issittumi eqqissisimanissaq pillugu inuiaqatigiinni pingaarutilittut attaveqaasersuutit pisariaqavissut illersorneqarnissaat annertuumik uukkatarineqartariaqartoq. Atassummiit eqqumaffigaarput tapersersorlugulu nunarsuaq tamakkerlugu sorsutsaaliuisutut ataatsimiititaliarsuup maleruaqqusai malillugit ingerlasoqarnissaa, pingaartumik cyberikkut saassussinerit, aningaasanik peqquserlunnerit kiisalu pinerlunniatigiit aningaasalersorneqarnerat pinngitsoortinniarlugu Kalaallit Nunaat nunat tamat akornanni maleruagassanut suleqatigiinermullu peqataalluarnissaa pingaaruteqartoq.

Atassutip tapersersorpaa Financial Action Task Force-p innersuussutaanik malinninneq, tassami taakku aningaasanik peqquserluutinik malunnarunnaarsaasarnermut pinerlunnianullu aningaasalersuisarnermut akiuniarnermi suleqatigilluinnarnissaat. Atassutip Naalakkersuisut taperserpaat FN-ip aalajangersagaasa akornanni Kalaallit Nunaanni atuusilersitsinissaq pillugu nunat tamat akornanni pisussaaffimmik naamassinninnissamut periarfissaqalissammat.

Atassut naapertorlugu aningaaseriviit aningaaserinermut suliaqatut nakkutigineqarnerat pitsaanerusariaqarpoq, taamaalillutik inatsisunik malinninnerat qulakkeerneqarsinnaaqqullugu. Taamaattumik Finanstilsynet-ip nakkutiginninnera pingaaruteqartut isigineqarpoq. Maleruagassanik unioqutitsisoqartillugu sukannersumik iliuuseqartoqarsinnaasariaqartoq Atassutip oqaatigaa.

Atassut erseqqissarpaa Kalaallit Nunaanni digitalikkut attaveqaatit inuiaqatigiinnut pingaaruteqarluinnartut, soorlu aningaaseriviit, pisortat sullissiviisa aammalu suliffeqarfiit paasisutissiisarnikkut attaveqaataat kommunillu sillimaniarnikkut pitsaasumik nakkutigilluarneqartariaqartut. Ukiuni kingullerni Kommunini tamanna malunnarsiartorsimavoq cyberikkut saassussinerit annertusiartortut, tamanna nunatsinnut nakkutiginninnitsinnut



pisussaaffeqarpugut Naalagaaffeqatigiit akornanni nukittorsaanissatsinnut, taamaattumik cyberikkut saassunneqarnissamut piareersimanissaq nukittorsarneqartariaqarpoq, ilaatigut ilinniartitaanikkut, suleqatigiinnikkut aammalu teknologiinik isumannaatsunik ineriartortitsinikkut.

Atassut isumaqarpoq Kalaallit Nunaat nunani tamalaani akisussaassuseqartumik peqataasariaqartoq, ilanngullugit pinerlunniatigiit aningaasalersorneqarnerannut aammalu sakkussiat annertuumik aseruisinnaasut siaruarterneqarnerannut akiuiniarnermi. Taamaattumik Koreap Avannarliup (DPRK) atomimut programianut atatillugu aningaasaqarnikkut killilersorneqarnissaa aamma pillarneqarnissaa pillugu tapersorsorparput, nunarsuarmi eqqissineq isumannaatsuunerlu illersorniarlugit.

Taama oqaaseqarluta Naalakkersuisut siunnersuutaat akueraarput taperserparpullu.